



জনসংযোগ কার্যালয়
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



প্রেস বিজ্ঞপ্তি (শোক বার্তা)

প্রতিরক্ষা মন্ত্রণালয়ের সিনিয়র সচিব আবদুল্লাহ আল মোহসীন চৌধুরীর প্রয়াণে
জাবি উপাচার্যের শোক

জাহাঙ্গীরনগর বিশ্ববিদ্যালয়, ২৯ জুন ২০২০।

প্রতিরক্ষা মন্ত্রণালয়ের সিনিয়র সচিব আবদুল্লাহ আল মোহসীন চৌধুরীর প্রয়াণে জাহাঙ্গীরনগর বিশ্ববিদ্যালয়ের উপাচার্য অধ্যাপক ড. ফারজানা ইসলাম গভীর শোক প্রকাশ করেছেন। আজ সম্মিলিত সামরিক হাসপাতালে (সিএমএইচ) চিকিৎসাধীন অবস্থায় সকাল সাড়ে নয়টার দিকে তিনি মৃত্যুবরণ করেন। (ইন্না লিল্লুহি...রাজিউন)। আবদুল্লাহ আল মোহসীন চৌধুরী মাননীয় প্রধানমন্ত্রী শেখ হাসিনার সাবেক মুখ্য সচিব কামাল আবদুল নাসের চৌধুরীর (কামাল চৌধুরী) ভাই।

জানা যায়, আবদুল্লাহ আল মোহসীন চৌধুরী শারীরিকভাবে অসুস্থ হয়ে পড়লে তাঁকে সিএমএইচে নেওয়ার পর তাঁর শরীরের করোনার সংক্রমণ ধরা পড়ে। এরপর গত দুই সপ্তাহ ধরে সিএমএইচের নিবিড় পরিচর্যা কেন্দ্রে (আইসিইউ) রেখে তাঁকে চিকিৎসা দেওয়া হচ্ছিল। সেখানেই আজ তিনি মৃত্যুবরণ করেন।

এক শোক বার্তায় উপাচার্য বলেন, সিনিয়র সচিব আবদুল্লাহ আল মোহসীন চৌধুরীর প্রয়াণে জাতি একজন দক্ষ প্রশাসককে হারালো। এ ক্ষতি পূরণ হবার নয়। উপাচার্য বলেন, সৃষ্ট ও জনমুখী প্রশাসন ব্যবস্থা গড়ে তোলার ক্ষেত্রে তাঁর অবদান স্মরণীয় হয়ে থাকবে। উপাচার্য প্রয়াত আবদুল্লাহ আল মোহসীন চৌধুরীর শোক সন্তপ্ত পরিবারের সদস্যদের প্রতি সমবেদনা জ্ঞাপন করে তাঁর আত্মার শান্তি কামনা করেন।

মো. আবদুস সালাম মিঞা
পরিচালক (ভারপ্রাপ্ত)

